

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՆՆԴԱՄԹԵՐՔԻ ԱՆՎՏԱՆԳՈՒԹՅԱՆ  
ՏԵՍՉԱԿԱՆ ՄԱՐՄՆԻ ԻՐԱՎԱԿԱՆ ԱԶԱԿՑՈՒԹՅԱՆ ԵՎ  
ՓԱՍՏԱԹՂԹԱՇՐՋԱՆԱՌՈՒԹՅԱՆ ՎԱՐՉՈՒԹՅԱՆ ՊԵՏԻ  
ՊԱՐՏԱԿԱՆՈՒԹՅՈՒՆՆԵՐ ԿԱՏԱՐՈՂ, ԻՐԱՎԱԲԱՆԱԿԱՆ ԲԱԺՆԻ ՊԵՏ  
ՄԱՐԳԱՐԻՏԱ ՀԱՅՐԱՊԵՏՅԱՆԻՆ

## Հաշվետվություն

Հարգելի տիկին Հայրապետյան,

Հայտնում եմ Ձեզ, որ 2024 թվականի մայիսի 06-ից մինչև 2024 թվականի օգոստոսի 06-ն ընկած ժամանակահատվածում իրականացրել եմ հետևյալ աշխատանքները՝

✓ ուսումնասիրել եմ պետական վերահսկողության և վարչական վարույթներին առնչվող կազմված փաստաթղթերում առկա անհամապատասխանությունները, թերությունները և խնդիրները, իրականացրել ՀՀ վճռաբեկ դատարանի նախադեպային որոշումների ուսումնասիրություն:

Հայտնաբերել եմ հետևյալ թերությունները՝

- վարչական իրավախախտման վերաբերյալ արձանագրության մեջ խախտումը չի նկարագրվում կամ անորոշ է նկարագրվում,
- վարչական իրավախախտման վերաբերյալ արձանագրությունը կազմվում է լիազոր անձի անունով, մինչդեռ լիազորված անձը պատասխանատու անձ չէ, քանի դեռ հրաման չկա, նա իրավունք ունի միայն ստորագրելու,
- հարցերի շրջանակից դուրս հարցեր են ստուգվում և որպես խախտում արձանագրվում, ինչը արգելվում է,
- տնտեսավարողներին ծանուցումներ ուղարկելիս դրանց մեջ ստանալու օրը չի նշվում, ինչը պարտադիր պայման է՝ պատշաճ ծանուցում ապահովելու համար,
- վարչական իրավախախտման վերաբերյալ արձանագրության մեջ պետք է նշվի անհատ ձեռնարկատեր է, թե ֆիզիկական անձ և համապատասխանաբար նրանց տվյալները, սակայն լինում են դեպքեր, երբ չի նշվում,
- տնտեսավարողներին ուղղված ծանուցման ձևաչափը երբեմն չի համապատասխանում գործող տարբերակին (հին բլանկներ են օգտագործվում),
- վարչական իրավախախտումների արձանագրության և ստուգման ակտի մեջ տարանջատված չեն լինում իրացմանը և արտադրությանը վերաբերող խախտումները,
- արտադրական գործունեության կասեցման փաստի ժամանակ օրենքով նախատեսված եզրակացության փոխարեն ներկայացվում են զեկուցագրեր,
- վարչական իրավախախտումների վերաբերյալ արձանագրության, ստուգման ակտի և ստուգման ակտի նախագծի կազմման ժամկետները երբեմն չեն պահպանվում,

- տարբեր մարզերում միևնույն տնտեսավարողի հասցեներում վերահսկողական միջոցառում իրականացնելիս հաճախ մեկ մարզի կողմից է ստորագրվում ստուգման ակտը և ակտի նախագիծը, իսկ մյուս մարզից միայն զեկուցագիր է ներկայացվում,

- վարչական իրավախախտման վերաբերյալ արձանագրություն չի կազմվում վարչական վարույթների ժամանակ, երբ առկա է իրավախախտում տվյալ հարցերի շրջանակում, և ծանուցում չի հանձնվում:

✓ ներկայացնում եմ հետևյալ առաջարկությունները՝ հանձնարարել մարզային կենտրոնների ղեկավարներին իրենց գործառույթների շրջանակում կազմակերպել նշված թերությունների վերացումը՝ վերը նշված խախտումները ներկայացնել տեսուչներին, կազմակերպել վերապատրաստում տեսուչների համար:

ԻՐԱՎԱԿԱՆ ԱԶԱԿՑՈՒԹՅԱՆ ԵՎ ՓԱՍՏԱԹՂԹԱՇՐՋԱՆԱՌՈՒԹՅԱՆ  
ՎԱՐՉՈՒԹՅԱՆ ԻՐԱՎԱԲԱՆԱԿԱՆ ԲԱԺՆԻ ՓՈՐՁԱԳԵՏ՝

ՏԻԳՐԱՆ ՕՀԱՆՅԱՆ



06.08.2024թ.